

55-bob. Axborot va maslahat berish

380-modda. Bojxona to'g'risidagi qonun hujjatlari to'g'risida axborot berish

Bojxona organlari umumjahon Internet tarmog'idagi o'z rasmiy veb-saytlarida joylashtirilgan bojxona to'g'risidagi qonun hujjatlariga doir axborotdan shaxslarning moneliksiz foydalanishini ta'minlaydi.

Bojxona to'g'risidagi qonun hujjatlari haqida axborot berish boshqa usul orqali ham amalga oshirilishi mumkin.

381-modda. Bojxona organlarining vakolatlariga kiruvchi masalalar bo'yicha maslahat berish

Bojxona organlarining mansabdor shaxslari manfaatdor shaxslarga bojxona ishi masalalari va bojxona organlarining vakolatlariga kiradigan boshqa masalalar yuzasidan maslahat beradi.

Bojxona organlarining mansabdor shaxslari tomonidan maslahat berish bojxona organlari joylashgan yerda va ularning ish vaqtida amalga oshiriladi.

Bojxona organlari tomonidan maslahat berish og'zaki, elektron yoxud yozma shaklda bepul amalga oshiriladi.

Maslahat berishda manfaatdor shaxslarga taqdim etilgan axborot tovarlar va transport vositalariga nisbatan bojxona operatsiyalari amalga oshirilayotganda bojxona organlari tomonidan qaror qabul qilish yoki harakatni bajarish uchun asos bo'lmaydi.